

SPECIJALNA PONUDA!

RIM avionom iz Sarajeva!

22.02-25.02.2025.

Jutarnji polazak, popodnevni povratak!

3 NOĆENJA/4 DANA

RIM, *La citta dei sette colli (grad na sedam brežuljaka, La citta eterna (vječni grad) ili jednostavno L' Urbe (grad) samo su neki od nadimaka ovog fascinantnog grada, koji i danas predstavlja jedan od najdrevnijih svjetionika civilizacije, čemu svjedoče mnogobrojni spomenici antičke i svjetske baštine, najznačajniji kršćanski hramovi i brojni muzeji sa bogatim kolekcijama umjetnina iz raznih epoha ovoga grada... Arhitektura koja vas ostavlja bez daha, uske i slikovite uličice, čarobni trgovi, bezbroj fontana, hramova, spomenika... Rim je grad koji nikada ne spava, grad svjetlosti, restorana, dobre kuhinje, grad ljubavi, dom najmanjega grada – države Vatikana.*

PROGRAM PUTOVANJA

1. DAN, 22.02.2025. (SUBOTA), SARAJEVO – RIM

Okupljanje putnika na međunarodnom aerodromu Sarajevo u 06:45h. Prijava na let za Rim u 08:15h, sa dolaskom u Rim u 09:45h. Nakon pasoške i carinske kontrole slijedi transfer autobusom do hotela. Po dolasku u hotel stvari ostavljamo na recepciji (check in od 15:00h) i odlazimo na prvi fakultativni dio razgledanja grada gradskim prijevozom i pješice BAROKNI RIM: Piazza di Spagna sa čuvenim stepenicama, Fontana di Trevi, Via del Corso, Pantheon, Piazza Navona sa fontanom Četiri rijeke... Slobodno vrijeme za ručak i kupovinu. Naveče predlažemo odlazak do kvarta Trastevere, koji odiše pravom rimskom atmosferom, s tipičnim restoranima, barovima i uličnim zabavljačima. Povratak u hotel. Noćenje.



2. DAN, 23.02.2025. (NEDJELJA), VATIKAN

Nakon doručka slijedi fakultativni odlazak u Vatikan gradskim prijevozom i pješice: Castel Sant Angelo, monumentalni trg sv. Petra sa kolonadama stubova, djelo umjetnika Berninija, najveća crkva kršćanskog svijeta - bazilika sv. Petra. Bazilikom dominira velika Mikelandelova kupola. Onima sa dobrom kondicijom predlažemo da se popnu na čuvenu kupolu (320 stepenica) s koje se pruža nezaboravan pogled na cijeli Rim. Razgledanje nastavljamo obilaskom Vatikanskih muzeja. Prilika da pogledate zbirke antičkih skulptura i umjetnina, Pinakoteku,

te poznate Rafaelove sobe, a na samom kraju obilaska Vatikanskih muzeja moći ćete da vidite besmrtno djelo velikog Mikelandela u Sikstinskoj kapeli, nakon čega vaš doživljaj umjetnosti više nikada neće biti isti. Slobodno poslijepodne za individualne aktivnosti. Noćenje.

3. DAN, 24.02.2025. (PONEDJELJAK), RIM

Nakon doručka slijedi fakultativno odlazak na drugi dio razgledanja grada pješice ANTIČKI RIM: Termini, Basilica Santa Maria Maggiore, Basilica San Pietro in Vincoli, Coloseum (najveći rimski amfiteatar), Foro Romano (centar političkog, javnog i komercijalnog života u okviru kojeg se nalaze ostaci hramova, tražnica i sudnica), Via Fori Imperiali, Basilica Santa Maria in Aracoeli (mjesto gdje je ukopana bosanska kraljica Katarina Kosača), Piazza Venezia... Slobodan ostatak dana za individualne aktivnosti. Povratak u hotel. Noćenje.



4. DAN, 25.02.2025. (UTORAK), RIM – SARAJEVO

Doručak. Slobodno vrijeme do 10:00h kada je predviđen polazak prema aerodromu Fiumicino Leonardo da Vinci. Let na relaciji Rim-Sarajevo u 13:10h. Dolazak u Sarajevo u 14:40h. Kraj putovanja.

CIJENA: 755,00 KM/osoba (za prvih 10 putnika).

Regularna cijena: 855,00 KM.

U cijenu je uključen popust za gotovinsko plaćanje.

CIJENA OBUHVATA:

- Povratne avio karte na relaciji Sarajevo-Rim-Sarajevo (niskobudžetna avio kompanija Wizzair)
- Ručni prtljag (40x30x20cm)
- Bus transfer na relaciji aerodrom-hotel-aerodrom
- Smještaj u dvokrevetnim i/ili trokrevetnim sobama u hotelu 3* u širem centru grada na bazi 3 noćenja s doručkom
- Usluge pratioca grupe tokom putovanja i kompletnu organizaciju putovanja

CIJENA NE OBUHVATA:

- Obavezno putničko-zdravstveno osiguranje (8,00 KM/osoba, za osobe do 60g, 16,00 KM/osoba za osobe od 60-80 godina starosti),
- Hotelska boravišna taksa 6 EUR/osoba/noćenje (plaća se pratiocu putovanja prije ulaska u hotel)
- Fakultativne/neobavezne izlete i ulaznice planirane programom putovanja (BAROKNI RIM – 20,00 EUR/40 KM, djeca do 14 godina 10 EUR, Trastevere 15 EUR/30 KM, djeca do 14 godina 10 EUR; Vatikan sa ulaznicom u Vatikanske muzeje i Sikstinsku kapelu 70 EUR/140 KM, djeca do 14 godina – 60 EUR, Vatikan bez ulaznice za Vatikanske muzeje i Sikstinsku kapelu 30 EUR/60 KM, djeca do 14 godina 20 EUR; ANTIČKI RIM sa ulaznicma u Koloseum i Forum – 65 EUR/130 KM, djeca do 14 godina 45 EUR, ANTIČKI RIM bez ulaznica u Koloseum i Rimski Forum – 30 EUR/60 KM, djeca do 14 godina 20 EUR).
- Doplatu za jednokrevetnu sobu – 235 KM (ograničen broj soba)

- Doplatu za čekirani prtljag 20kg – 120,00 KM/osoba
- *Za putovanje važe Centrotours Opći uslovi putovanja**
- *Kalkulacija je rađena na bazi minimum 25 putnika**

VAŽNE NAPOMENE:

Ovo je Centrotours budžet putovanje.

Za državljane Bosne i Hercegovine nije potrebna viza za ulazak u Italiju. Od dokumentacije, sa sobom je potrebno ponijeti pasoš, koji mora biti važeći još minimum 3 mjeseca po povratku sa putovanja. Organizator putovanja ne snosi bilo kakvu odgovornost zbog neispravnog pasoša ili vize, niti je odgovoran ako pogranične ili imigracione vlasti ne odobre ulazak, tranzit ili dalji boravak putnika. Sve posljedice gubitka ili krađe pasoša tokom putovanja, kao i troškove izdavanja nove putne isprave, snosi putnik. Refundiranje uplaćenog iznosa za putovanje koje nije realizovano zbog neispravne putne isprave nije moguće. Svi strani državljani koji koriste usluge naše agencije su u obavezi da se raspitaju o viznom režimu Republike Italije, o uslovima putovanja u vezi sa zdravstvenim, carinskim ili graničnim formalnostima koji važe za državu čiji pasoš posjeduju, kao i da u pasošu sa kojima izlaze iz Bosne i Hercegovine imaju ulazni pečat na teritoriju BiH.

Za rezervaciju ovog putovanja potrebno je uplatiti 50%, ostatak se plaća najkasnije do 20 dana prije polaska na putovanje.

*** Uplatom akontacije u iznosu od 50% putnik potvrđuje da je pročitao i prihvatio Program putovanja, Ugovor o putovanju i Opće uslove putovanja.**

*** Agencija ne snosi odgovornost za eventualne drugačije usmene informacije o programu putovanja.**

*** Agencija nije odgovorna u slučaju promjene satnice leta/letova ili kašnjenja od strane avio kompanije**

*** Avio karte i vaučeri za hotel putnicima se šalju e mailom, ne ranije od 48h prije predviđenog leta**

*** U slučaju otkazivanja putovanja iz bilo kojeg razloga, agencija naplaćuje penale u iznosu od 50% od cijene putovanja**

FAKULTATIVNI IZLETI

Fakultativni izleti (za minimum 25 putnika) su organizovani od strane lokalne agencije, ino-partnera Organizatora putovanja i svu odgovornost prilikom izvođenja fakultativnih izleta snosi ino-partner. Lokalni partner kao organizator zadržava pravo promjene programa i cijene izleta u zavisnosti od broja prijavljenih putnika i promjena cijena ulaznica po lokalitetima usljed objektivnih okolnosti. Cijena se sastoji od troškova rezervacije, prijevoza, usluge vodiča.

Izleti se realizuju gradskim prijevozom i pješice.

Termini i cijene fakultativnih izleta su promjenljivi i zavise od slobodnih termina po lokalitetima, broja prijavljenih putnika i objektivnih okolnosti. Fakultativni izleti nisu obavezni dio programa i zavise od broja prijavljenih putnika. Prijava za fakultativne izlete se vrši u agenciji prilikom rezervacije putovanja. Agencija nije odgovorna u slučaju zakašnjele prijave za izlete, jer se ulaznice za pojedine lokalitete prodaju mnogo prije polaska na putovanje.

MOGUĆNOSTI PLAĆANJA

- Za rezervaciju je potrebno uplatiti avans u iznosu od 30%, ostatak se plaća najkasnije 15 dana prije polaska
- Gotovinska uplata ili uplata debitnom karticom u Centrotours poslovnica
- Uplata na žiro račun u banci, pošti, ili internetskim bankarstvom
- Obročno shopping karticama (Unicredit do 24 rate, Raiffaisen i Intesa do 6 rata)
- Cijene objavljene na web stranici agencije su cijene izražene sa obračunatim popustom od 5% za jednokratno plaćanje
- Za sva obročna plaćanja od 2-12 rata agencija obračunava manipulativne troškove

#SamoNajboljeJeDovoljnoDobro #Centrotours

Program je objavljen 03.01.2025.g.

SARAJEVO: Centrotours d.d. Sarajevo, Putnička agencija Centrotours, Kurta Schorka 14, 71000 Sarajevo

SARAJEVO Stari Grad: Ferhadija 16, telefon: 033 407 407, fax: 211 282; **Viber/WhatsApp: +387 61 376 644**

SARAJEVO Novi Grad: Bulevar Meše Selimovića 97 (zgrada Općine Novi Grad), telefon: 033 407 660; **Viber/WhatsApp: +387 62 828 109**

TUZLA: Džafer mahala 34, telefon: 035 283 666, 035 283 667; **Viber/WhatsApp: +387 61 029 169**

ZENICA: Maršala Tita 63, telefon: 032 409 409; **Viber/WhatsApp: +387 61 032 465**

www.centrotours.ba ID broj 4200153220232 Licenca broj: 07-05-22-13612

